



COMUNE DE S'ULUMEDU

Provìntzia de Tàtari

Setore: **ÀREA VIGILÀNTZIA**

Servìtziu: **Polìtzia locale**

Responsàbile: **Strada Edvige**

Ordinàntzias n. **22** de su **21.06.2025**

Ogetu: **MODÌFICAS TEMPORÀNEAS DE SA TZIRCULATZIONE IN OCASIONE DE SOS FESTEGIAMENTOS IN ONORE DE SANTU GIUANNE BATTISTA - SU 24 DE LÀMPADAS 2025**

SA RESPONSÀBILE DE SU SERVÌTZIU

PREMÌTIDU chi in data 24 de làmpadas in custu Comune s'ant a acumprìre sos festegiamentos in onore de Santu Giuanne Battista in occasione de sos cales est previdida una presèntzia manna de gente e de màchinas;

BIDA sa rechesta presentada cun nota protocollu n. 2025/0005972 de su 26.05.2025 e sa nota de curretzione de sa die leada a su protocollu n. 2025/0005988 de su 27.05.2025 dae su sig. Michele Spanedda, in calidade de Presidente de s'APS San Giovanni Battista Olmedo;

TORRADAS A CRAMARE sas tzirculares de su Ministèriu de s'Internu – Dipartimentu de sa Siguresa Pùblica – Ufitziu Òrdine Pùblicu:

- N. 555/OP/00001991/12017/1 de su 07/06/2017 – Tzirculare Gabrielli;
- N. 11001/110(10) Uf. II – Òrd. Sig. Pùb. De su 28.07.2018 – Modellos organizativos pro garantire livellos altos de siguresa in occasione de manifestatziones pùblicas. Diretiva;
- N. 0011464 de su 19/06/2017 – Dipartimentu VVFF;
- N. 0009517 de su 20/07/2017 – Dipartimentu VVFF;

TENTU CONTU chi sas direttivas emìtidas dae su Ministèriu de s'Internu sunt indiritzadas pro garantire in sas manifestatziones pùblicas unu livellu altu de measuras de siguresa pro s'incolumidade, s'òrdine e sa siguresa pùblica;

LEADU ATU chi pro garantire sa siguresa de sa tzirculatzione de sas màchinas e de sa gente, a manera de assicurare sa lestresa màssima possìbile de sa matessi, si faghet netzessàriu una regulamentatzione de su tràficu atenta e meledada in su perìodu e in sas àreas interessadas;

CUNSIDERADU chi su 24 de làmpadas est usàntzia de tzelebrare sa Santa Missa in onore de Santu Giuanne Battista e a sighire sa protzessione giughende su Santu dae sa crèsia de N. S. de Tàlia peri sas carreras de sa bidda;

APRETZIADU pro cussu de dèvere disciplinare a manera cumbeniente su tràficu de sas màchinas, pro evitare intasamentos o perìgulu pro sa gente chi andat a pè, in s'àrea urbana interessada a manera printzipale;

BIDOS sos art. 5, 6, 7, 21, 37 e 159 de su D.Lgs. 30 de abrule 1992, n° 285 e mm.ii.ii.;

BIDOS sos art. dae su n. 30 a su n. 43 de su D.P.R. 16 de nadale 1992, n° 495 e mm.ii.ii.;

BIDOS sos Decretos Sindagales:

- n. 3 de su 31 de austu 2023, in vigore dae su 01 de cabudanni 2023, cun su cale sunt istados nominados sos responsàbiles de sos servìtzios pro s'annualidade 2023-2025;
- n. 11 de su 15 de santugaine 2024, cun su cale est istadu nominadu, dae su 16 de santugaine 2024 a su 30 de làmpadas 2025, su responsàbile de sos servìtzios sòtziu-culturales;

RELEVADA sa cumpetèntzia pròpia in mèritu, in cunforma a s'art. 107 de su TUEL;

ÒRDINAT

In su perìodu cumpresu dae sas oras 14:00 de su 24 de làmpadas e finas a sas oras 01:00 de su 01 de làmpadas 2025 su tràficu est disciplinadu, comente indicadu dae signalètica apòsita, in sa manera sighente:

- Est proibidu su passàgiu e sa firmada de totu sas màchinas in Pratzza Giovanni XXIII e in Carrera XXV Luglio, in su tretu cumpresu tra Carrera Vittorio Emanuele II e Carrera Quattro Novembre;
- Pro cantos passant in Carrera Vittorio Emanuele II est istituidu s'òbligu de girare a destra in Carrera Cesare Battisti Pratzza Nostra Signora de Tàlia;
- Pro cantos passant in Carrera Sassari, est istituida sa proibidura de atzessu in diretzione Pratzza Giovanni XXIII cun òbligu de girare a manca in sa rugrada cun Carrera Cesare Battisti e a destra rugrada Pratzza Nostra Signora de Tàlia diretzione Carrera Pio XII;
- Pro cantos passant in Carrera XXV Luglio, est istituida sa proibidura de atzessu in diretzione Pratzza Giovanni XXIII cun òbligu a girare a destra in sa rugrada cun Carrera Amsicora;

Ebbia in su perìodu dae sas oras 18 a sas oras 21 est proibidu su passàgiu e sa firmada de sas màchinas in Carrera Matteotti e in Pratzza Matteotti (anfiteatru), in Pratzza Nostra Signora de Tàlia, Pratzza Giovanni XXIII e Carrera Mazzini in su tretu cumpresu tra Carrera Salvo D'Acquisto e Pratzza Giovanni XXIII pro su passàgiu de sa protzessione e s'atzesa de su fogu de Santu Giuanne;

In su matessi perìodu, pro cunsentire su passàgiu de sos cavaglieris chi antìzipat sa protzessione, si faghet netzessàriu proibire sa firmada in ambas sas alas de su percursu interessadu dae sa protzessione e a manera pretzisa in sas carreras sighentes:

- Carrera Pio XII;
- Pratzza Nostra Signora de Tàlia;
- Pratzza Giovanni XXIII;
- Carrera Quattro Novembre;
- Carrera Amsicora;
- Carrera Josto;
- Carrera Ungaretti;
- Carrera Europa;
- Viale Italia;
- Carrera Sassari;

DÈROGAS:

Sunt autorizados a sa tzirculatzione in sas àreas proibidas subranaradas:

- a. sos metzos de sucursu;
- b. sas màchinas in servìtziu a sas Fortzas de s'Òrdine;
- c. sas màchinas a servìtziu de sas pessones disàbiles cun disàbile intro.

DISPONET

Su Presidente de s'Assòtziu, pro mèdiu de sos sòtzios suos, at a tènnere contivìgiu de fàghere nòdida s'Ordinàntzia presente pro mèdiu de aposizione de sa signalètica prescrita intro e non a dae de 48 oras prima de su comintzu de s'eventu e de informare s'ufitziu de Politzia Locale pro nde atzertare s'aposizione curreta pro chi si bàlida s'ordinàntzia.

S'Ufitziu Tècnicu, pro mèdiu de sos addetos suos, at a providire a cunsignare in su logu sas transennas pro sa serrada de sas àreas interessadas dae sos festegiamentos;

Est fatu òbligu de respetare s'Ordinàntzia presente, chie si siat violet sas dispositziones chi bi sunt cuntènnidas at a èssere santzionadu segundu cantu prevididu dae su Còdighe de s'Istrada in vigèntzia. Sos Agentes Comunales e de sa Fortza Pùblica sunt incarrigados de s'esecutzione de s'Ordinàntzia presente.

DISPONET in prus:

chi s'ordinàntzia presente bèngiat notificada a:

- **Presidente de s'Assòtziu San Giovanni Battista Olmedo** pro su mèdiu de s'indiritzu PEC apssangiovanniolmedo@pec.it
- Istatzione Carabineris de S'Ulumedu pro su mèdiu de s'indiritzu PEC tss20178@pec.carabinieri.it
- A sa Cuestura de Tàtari, pro su mèdiu de s'indiritzu PEC dipps179.00f0@pecps.poliziadistato.it;
- Ufitziu tècnicu pro mèdiu de protocollu internu;
- Sig. Sìndigu pro mèdiu de protocollu internu;
- Assessore a sas traditziones pro mèdiu de protocollu internu;
- Ufitziu sòtziu-culturale pro mèdiu de protocollu internu.

Contra a s'ordinàntzia presente est ammitidu ricursu, in bia giurisditzionale, a su Tribunale Amministrativu Regionale de sa Sardigna cun sede in Casteddu intro de 60 (sessanta) dies o, in bia alternativa, a su Presidente de sa Repùblica intro de 120 dies, tèrmines custos chi decurrent dae sa publicatzione de su provvedimento presente in sas formas de lege.

Sa Responsàbile de su Servìtziu
Dot.ra Strada Edvige

Traduzione de s'operadora de s'isportellu linguisticu de S'Ulumedu
Maria Leonarda Correddu

Atividade realizada cun su contributu de sa L. 482/99 e L.R. 22/18.